

通志堂經解



周易上經傳義附錄卷第二

後學天台董楷纂集



坤下坤上

坤元亨利牝馬之貞

**傳**

坤乾之對也四德同而貞體則異乾以剛固

爲貞坤則

一作以

柔順而

一作爲

貞牝馬柔順而健行故

取其象曰牝馬之貞

程氏附錄利字不聯牝馬爲義如云利牝馬

之貞則坤便只有三德

君子有攸往

**傳**

君子所行柔順而利且貞合坤德也

先迷後得主利

**傳**陰從陽者也待唱而和陰而先陽則爲迷錯居後乃得其常也主利利萬物則主於坤生成皆地之功也臣道亦然君令臣行勞於事者臣之職也

程氏附錄先迷後得是一句主利是一句蓋坤道惟是主利

西南得朋東北喪朋安貞吉

喪息浪反下同

**傳**西南陰方東北陽方陰必從陽離喪其朋類乃能成化育之功而有安貞之吉得其常則安安於常則貞是以吉也

**本義**

一者偶也陰之數也坤者順也陰之性也

注中者三畫卦之名也經中者六畫卦之名也  
陰之成形莫大於地此卦三畫皆偶故名坤而  
象地重之又得坤焉則是陰之純順之至故其  
名與象皆不易也牝馬順而健行者陽先陰後  
陽主義陰主利西南陰方東北陽方安順之爲  
也貞者健之守也遇此卦者其占爲大亨而利  
以順健爲正如有所往則先迷後得而主於利  
往西南則得朋往東北則喪朋大抵能安於正  
則吉也

朱氏附錄乾主義坤信主利占得這卦便主  
利這事不是坤道主利萬物乃是此卦占得



時主有利○乾卦元亨利貞便都好到坤只  
一半好全好故利永貞一半好故云利牝馬  
之貞即是亦有不利者又曰利牝馬之正言  
利於柔順之正而不利於剛健之正利是箇  
虛字西南得朋固是好了東北喪朋亦自不  
妨爲有慶坤比乾都是折一半用底○問牝  
馬取其柔順健行之象坤順而言健何也曰  
守得這柔順亦堅確故有健象柔順而不堅  
確則不足以配乾矣○利牝馬之貞不可將  
利字自作一句後云主利卻當如此絕句伊  
川只爲泥却四德所以如此說不通○問坤

彖辭君子有攸往何也曰此是虛句意在下旬伊川只見彖傳辭押韻有柔順利貞君子攸行之語遂解云君子所行柔順而利且貞恐非也蓋言君子有所往先迷後得主利也○問東北喪朋西南得朋何也曰陰不比陽陰只理會得一半不似陽兼得陰故无所不利陰半用故得於西南喪於東北先迷後得亦然自王輔嗣以下皆不知此錯解了○先迷後得東北西南大槩是陰爲陽一半就前後言沒了前一截就四方言沒了東北一截陽卻是全體安貞之吉他這分段只到這裏

若更妄作以求全時便凶了在人亦當如此  
伊川說東北喪躬處但不知這處添得許多  
否〇先生荅袁機仲書曰來諭謂冬春爲陽  
夏秋爲陰以文王八卦論之則自西北之乾  
以至東方之震皆父與三男之位也自東南  
之巽以至西方之兌皆母與三女之位也故  
坤蹇解卦之彖辭皆以東北爲陽方西南爲  
陰方然則謂冬春爲陽夏秋爲陰亦是一說  
但說卦又以乾爲西北則陰有不盡乎西以  
巽爲東南則陽有不盡乎東又與三卦彖辭  
小不同

此以來書之說推之而說卦之文適與彖辭  
相爲表裏亦可以見此圖之出於文王也

陰體柔



躁只爲他柔所以躁剛便不躁躁是那欲動而不得動之意剛則便動矣柔躁不能自守所以說安貞吉

彖曰至哉坤元萬物資生乃順承天坤厚載物德合无疆

**傳**資生之道可謂大矣乾旣稱大故坤稱至至義差緩不若大之盛也聖人於尊卑之辨謹嚴如此萬物資乾以始資坤以生父母之道也順承天施以成其功坤之厚德持載萬物合於乾之无疆也

**程氏附錄**天地之中理必相直則四邊當有



空缺處空缺處如何地之下豈无天今所謂

地者特於

一作爲

天中一物爾如雲氣之聚以其

久而不散也故爲對凡地動者只是氣動凡

所指地者

一作損

缺處只是土土亦一物爾不可

言地更須要知坤元承天是地之道也

含弘光大品物咸亨牝馬地類行地无疆柔順利

貞君子攸行

**傳**以含弘光大四者形容坤道猶乾之剛健中

正純粹也含包容也弘寬裕也光昭明也大博

厚也有此四者故能成承

一作順

天之功品物

一作類

咸

得亨遂取牝馬爲象者以其柔順而健行地之

類也行地无疆謂健也乾健坤順坤亦健乎曰  
非健何以配乾未有乾行而坤止也其動也剛  
不害其爲柔也柔順而利貞乃坤德也君子之  
所行也君子之道合坤德也

先迷失道後順得常西南得朋乃與類行東北喪  
朋乃終有慶安貞之吉應地无疆

**傳**乾之用陽之爲也坤之用陰之爲也形而上  
曰天地之道形而下曰陰陽之功先迷後得以  
下言陰道也先唱則迷失陰道後和則順而得  
其常理西南陰方從其類得朋也東北陽方離  
其類喪朋也離其類而從陽則能成生物之功



終有吉慶也與類行者本也從於陽者用也陰體柔躁故從於陽則能安貞而吉應地道之无疆也陰而不安貞豈能應地之道豕有三无疆蓋不同也德合无疆天之不已也應地无疆地之无窮也行地无疆馬之健行也

**程氏附錄**陰必從陽然後乃有終慶也

**本義**至哉坤元萬物資生乃順承天此以地道

明坤之義而首言元也至極也比大義差緩始

者氣之始生者形之始順承天施地之道也**坤**

**厚載**物德合无疆含弘光大品物咸亨言亨也

德合无疆謂配乾也**牝馬**地類行地无疆柔順

**利貞君子攸行**

言利貞也馬乾之象而以爲地

類者牝陰物而馬又行地之物也行地无疆則  
順而健矣柔順利貞坤之德也君子攸行人之  
所行如坤之德也所行如是則其占如下文所  
云也先迷失道後順得常西南得朋乃與類行  
**東北喪朋乃終有慶**陽大陰小陽得兼陰陰不  
得兼陽故坤之德常減於乾之半也東北雖喪  
明然反之西南則終有慶矣**安貞之吉應地无**  
**疆**安而且貞地之德也

朱氏附錄資乾以始便資坤以生不爭得震  
時間乾底亨時坤底亦亨生是生物即乾之

所始者○利牝馬之貞本无四德底意彖中  
 方有之彖中說四德自不分曉前數句說元  
 亨處卻說得分明後面幾句无理會牝馬地  
 類行地无疆便是那柔順利貞君子攸行本  
 連下面緣他趁押韻後故說在此這般底難  
 十分理會○問柔順利貞君子攸行如何曰  
 柔順利貞坤之德也君子而能柔順堅正則  
 其所行雖先迷而後得雖東北喪朋反之西  
 南則得朋而有慶○東北喪朋乃終有慶既  
 言終有慶則有慶不在今矣爲他是箇柔順  
 底物東北陽方非他所安之地如慢水中魚



去急水中不得自是喪朋喪朋於東北則必  
反於西南是終有慶也正如先迷後得爲他  
柔順故先迷柔順而不失乎健故後得所以  
卦下言利牝馬之貞喪朋先迷便是牝有慶  
後得便是馬將牝馬字分開卻形容得意思  
又曰牝馬柔順故先迷而喪朋然馬健行卻  
後得而有慶牝馬不可分爲二今姑分以見  
其義○未有乾行而坤止此說是且如乾施  
物坤不應則不能生物既會生物便是動若  
不是他健後如何配乾只是健得來順

象曰地勢坤君子以厚德載物

**傳**坤道之大猶乾也非聖人孰能體之地厚而  
其勢順傾故取其順厚之象而云地勢坤也君  
子觀坤厚之象以深厚之德容載庶物

**本義**地坤之象亦一而已故不言重而言其勢  
之順則見其高下相因之无窮至順極厚而无  
所不載也

**朱氏附錄**地之勢常有順底道理且如這箇  
平地前面便有坡陁處突然起底也自順○  
問地勢猶言高下相因之勢以其順且厚否  
曰高下相因只是順若厚又是一箇道理然  
惟其厚所以上下只管相因去只見得地順

若是薄底物高下只管相因則傾陷了不能  
如此之无窮矣惟其高下相因无窮所以爲  
至順也君子體之惟至厚爲能載物天行甚  
健故君子法之以自強不息地勢至順故君  
子體之以厚德載物○問坤言地勢猶乾言  
天行天行健猶言地勢順然大象乾不言乾  
而言健坤不言順而言坤說者雖多究竟如  
何曰此不必論只是當時下字時偶不同必  
欲求說則鑿卻反晦了當理會底

初六履霜堅冰至

**傳**

陰爻稱六陰之盛也八則陽生矣非純盛也



陰始生於下至微也聖人於陰之始生以其將長則爲之戒陰之始凝而爲霜履霜則當知陰漸盛而至堅冰矣猶小人始雖甚微不可使長長則至於盛也

**本義** 六陰爻之名陰數六老而八少故謂陰爻爲六也霜陰氣所結盛則水凍而爲冰此爻陰始生於下其端甚微而其勢必盛故其象如履霜則知堅冰之將至也夫陰陽者造化之本不能相无而消長有常亦非人所能損益也然陽主生陰主殺則其類有淑慝之分焉故聖人作易於其不能相无者旣以健順仁義之屬明之